

張承吉集

張承吉集卷第四

雜題

孟才人歎一首并序

武宗皇帝疾篤遷便殿孟才人以歌笙獲寵者密侍其
右上目之曰吾當不諱尔何爲哉拍笙囊泣曰請以此
就縊上憫然復曰妾嘗藝歌願對上歌一曲以泄其憤
上以懇許之乃歌一聲何蒲子氣亟立殞上令醫候之
曰脉尚溫而腸已絕及上崩將徙其柩舉之愈重議者
曰非俟才人乎爰命其襯襯及至乃舉嗟夫才人以誠
死上以誠明雖古之義激無以過也進士高登第年宴
傳於禁伶明年秋貢士文多以爲之目大中三年遇嵩
於由拳哀話於余聊爲興歎

詩曰

偶因歌態詠嬌嚙傳唱宮中十二春却爲一聲何滿子
下泉須弔舊才人

退宮人二首

開元皇帝掌中憐流落人間二十年長說承天門上宴
百官樓下拾金錢

其二

歌喉漸退出宮闈泣話伶官上許歸猶說入時歡聖壽
內人初着五方衣

玉環琵琶

宮樓一曲琵琶聲滿眼雲山是去程迴顧段師非汝意
玉環休把恨分明

春鷓鴣轉

興慶池南柳未開太真先把一枝梅
內人已唱春鷓鴣轉花下傞傞軟舞來

寧哥來

日映宮城霧半開太真簾下畏人猜
黃鵲綽指向西樹不信寧哥迴馬來

鄴中懷古

鄴中城下漳河水日夜東流莫記春
腸斷宮中望陵處不堪臺上也無人

讀池州杜真外杜秋詩

年少多情杜牧之風流仍作杜秋詩
可知不是長門閉也得相如第一詞

杭州開元寺牡丹花

濃艷初開小藥欄
人人惆悵出長安
風流却是錢塘寺
不踏紅塵見牡丹

招徐宗偃畫松石

咫尺雲山便出塵
我生長日自因循
憑君盡取江南勝
留向東齋伴老身

贈元道處士

小迳上山山甚小
每憐僧院笑僧禪
人間莫道無難事
二十年來已是玄

平陰夏日作

西來漸覺細塵紅
擾擾舟車路向東
可惜夏天明月夜
土山前面障南風

題酸棗驛前碑

蒼苔古澁自雕疎誰道中郎筆力餘長髮當時遇王粲
每來碑下不關書

題朱丘曹山居

朱氏西齋萬卷書水門山閣自高疎我來穿穴非無意
願向君家作壁魚

容兒鉢頭

爭走金車叱軟牛笑聲唯是說千秋兩邊角子羊門裏
猶學容兒弄鉢頭

邠娘鞦鼓

新教邠娘鞦鼓成大酺初日最先呈冬兒指向真真說
一曲乾鳴兩杖輕

要娘歌

宜春花夜雪千枝妃子偷行上密隨便喚要娘歌一曲
六宮生老是蛾眉

悖兒舞

春風南內百花時道調梁州急遍吹揭手便拈金碗舞
上皇驚笑悖兒

酬惟信上人贈張僧繇畫僧

骨峭情高彼岸人一盃長泛海爲津僧儀又入清流品
却恐前生是許詢

題靈徹上人舊房

寂寞空門友道林滿堂詩版舊知音秋風吹葉古廊下
一半繩床燈影深

晚秋潼關西門作

日落寒郊煙物清
古槐陰黑迥人行
關門西去華山色
秦地東來河水聲

贈內人

禁門宮樹月痕過
媚眼唯看宿鸞窠
斜拔玉釵燈影畔
剔開紅焰救飛蛾

折楊柳枝二首

莫折宮前楊柳枝
玄宗曾向笛中吹
傷心日暮煙霞起
無限春愁生翠眉

其二

凝碧池邊斂翠眉
景陽樓下綰青絲
那勝妃子朝元閣
玉手和煙弄一枝

華清宮四首

風樹離離月稍明
九天龍氣在華清
宮門深鎖無人覺
半夜雲中羯鼓聲

其一

天閣沉沉夜未央
碧雲仙曲舞霓裳
一聲玉笛向空盡
月滿驪山宮漏長

其三

紅樹蕭蕭閣半開
玉皇曾幸此宮來
至今風俗驪山下
村笛猶吹阿濫堆

其四

水遶宮牆處處聲
殘紅長綠露華清
武皇一夕夢不覺
十二玉樓空月明

洛中作

元和天子昔平戎，惆悵金輿尚未通。
盡日洛橋閑處看，秋風時節上陽宮。

送走馬使

新樣花文配蜀羅，同心雙帶蹙金蛾。
慣將喉舌傳軍好，馬跡鈴聲遍兩河。

贈竇家小兒

深綠衣裳小小人，每來廳裏解相親。
天生合去雲霄上，一尺松栽已出塵。

聽崔莒侍御葉家歌

宛羅重縠起歌筵，活鳳生花動碧煙。
一聲唱斷無人和，觸破秋雲直上天。

題畫僧

瘦頭隆肩碧眼僧翰林親讚虎頭能終年不語看如意
似證禪心入大乘

長門怨

日暝宮牆柳色寒笙歌遙拍碧雲端珠鈿滴尽無心語
強把花枝冷笑看

讀老莊

等閑緝綴閑言語誇向時人喚作詩昨日偶拈莊老讀
萬尋山上一毫釐

偶題

古來名下豈虛爲李白顛狂自稱時唯恨世間無賀老
謫仙長在没人知

題御溝

萬樹垂楊拂御溝溶溶漾漾遶神州都緣濟物心無阻
從此恩波處處流

別玉華仙侶

遶舍煙霞爲四隣寒泉白石日相親塵機不盡住不得
珍重玉山人上人

汴上同楊昇秀才送客歸

河流西下鴈南飛楚客相逢淚濕衣張翰思歸何太切
扁舟不住又東歸

平原路上題郵亭殘花

雲暗山橫日欲斜卸亭下馬對殘花自從身逐征西府
每到花時不在家

秋曉送鄭侍御

離鴻聲怨碧雲淨
楚瑟調高清曉天
盡日相看俱不語
西風搖落數枝蓮

宿武牢關

行人候曉久徘徊
不待鷄鳴未得開
堪羨寒溪自無事
潺潺一夜向關來

夜宿湓浦逢崔昇

江流不動月西沉
南北行人萬里心
況是相逢鴈天夕
星河寒後水雲深

京城寓懷

三十年持一釣竿
偶隨書薦入長安
由來不是求名者
唯待春風看牡丹

感歸

行却江南路幾千歸來不把一文錢鄉人笑我窮寒鬼
還似襄陽孟浩然

偶作

徧識青霄路上人相逢祇是語逡巡可勝飲盡江南酒
歲月猶殘李白身

題青龍寺

二十年沉淪海間一游京國也因閑人人盡到求名處
猶向青龍寺看山

丁巳年仲冬月江上作

南來驅馬渡江濱消息前年此月聞唯是賈生先慟哭
不堪天意重陰雲

勸飲酒

燒得硫黃謾學仙
未勝長付酒家錢
寶常不喫齊推藥
却在人間八十年

硫黃

一粒硫黃入貴門
寢堂深處問玄言
時人盡說韋山甫
昨日餘干吊子孫

張承吉文集卷第四

張承吉文集卷第五

雜題

集靈臺二首

日光斜照集靈臺
紅樹花迎曉露開
昨夜上皇新授錄
太真含笑入簾來

其二

又云杜甫非也

虢國夫人承主恩
平明騎馬入金門
却嫌脂粉污顏色
淡掃蛾眉朝至尊

阿鵲湯

月照宮城紅樹芳
綠窓燈影在雕梁
金輿未到長生殿
妃子偷尋阿鵲湯

馬嵬歸

雲愁鳥恨驛坡前
子子龍旗指望賢
無復一生重語事
柘黃衫袖掩潸然

馬嵬坡

旌旗不整奈君何
南去人稀北去多
塵土已殘香粉艷
荔枝猶到馬嵬坡

太真香囊子

蹙金妃子小花囊
銷拜曾前結舊香
誰爲君王重解得
一生遺恨繫心腸

散花樓

錦江城外錦城頭
迴望秦川上軫憂
正值血魂來夢裏
杜鵑聲在散花樓

雨霖鈴

雨霖於夜却歸秦猶是張微一曲新長說上皇和淚教
月明南內更無人

聽劉端公田家歌

兒郎漫說轉喉輕須待情來意自生只是眼前絲竹和
大家聲裏唱新聲

題宋州田大夫家樂工家箏

十指纖纖玉笋紅鴈行輕過翠絃中分明似說長城苦
水咽雲寒一夜風

耿家歌

十二年前邊塞行坐中無語嘆歌情不堪昨夜先垂淚
西去陽關第一聲

王家琵琶

金屑檀槽玉腕明
子絃輕撚爲多情
只愁拍盡涼州破
盡出風雷是撥聲

董家笛

一夜梅花笛裏飛
陽春白雪復輝輝
東風却是北風起
高入塞雲燕鴈稀

王家五絃

五條絃出萬端情
撚撥間關漫態生
唯羨風流田太守
小金鈴子耳邊鳴

李家柘枝

紅鉛拂臉細腰人
金繡羅衫軟著身
長恐舞時殘拍盡
却思雲雨更無因

楚州韋中丞筵篋

千重鈎鏤撼金鈴萬顆真珠瀉玉瓶恰值滿堂人欲醉
甲光纔觸一時醒

邊上逢歌者

垂老秋歌出塞庭
過雲相付舊秦青
少年翻擲新聲盡
却向人前側耳聽

聽薛陽陶吹蘆管

紫清人下薛陽陶
未曲新筵調更高
無奈一聲天外絕
百年已死斷腸刀

聽李簡上人吹蘆管三首

蜀國僧吹蘆一枝
隴西游客淚先垂
至今留得新聲在
却爲中原人不知

其三

細蘆簫管夜沉沉
越鳥巴猿寄恨吟
吹到耳邊聲盡處
一條絲斷碧雲心

其三

月落江城樹繞鴉
一聲蘆管是天涯
分明西國人來說
赤佛堂西是漢家

聽岳州徐負久彈琴

玉律潛符一古琴
哲人心見聖人心
盡日南風似遺意
九疑猿鳥滿山吟

塞上聞笛

一夜梅花笛裏飛
冷沙晴檻月光輝
北風吹盡向何處
高入塞雲燕鴈稀

經舊遊

去年來送行人處依舊垂聲古岸南
斜日照溪雲影斷
水映花枝倒空潭

東山寺

寒色蒼蒼老柏風石苔清滑露光融
半夜四山鍾磬盡
水精宮殿月玲瓏

題潤州鶴林寺

古寺名僧多異時道情虛遣俗情悲
千年鶴在市朝來
來去舊山人不知

題勝上人山房

清晝房廊山半開一瓶新汲洒莓苔
古松百尺始生葉
颯颯風聲天上來

題金陵渡

金陵津渡小山樓一宿行人自可愁
潮落夜江斜月裏兩三星火是瓜洲

過陰陵山

壯士恓惶到山下行人惆悵上山頭
生前此路已迷失寂寞孤魂何處游

過汾水關

千里南來背日行關門無事一侯嬴
山根百尺路前去十夜耳中汾水聲

欽弋夫人詞

惆悵雲陵事不迴萬金重更築仙臺
莫言天上無消息猶是夫人作鳥來

李夫人詞

近年不語望三星莫說夫人上涕零爭奈世間惆悵在
甘泉宮夜看圖形

縱遊淮南

十里長街市井連月明橋上看神仙人生只合揚州死
禪智山光好墓田

櫻桃

石榴花并梅猶小愛此山光四五株斜日庭前風裏二
碧油千片漏紅珠

鴻溝

龍蛇百戰爭天下各制雄心拍此溝寧似九州分國土
地圖初割海中流

題峯頂寺

月明如水山頭寺
冲面看天石上行
夜半深廊人語定
一枝松動鶴來聲

悲納鐵

長聞爲政古諸侯
使佩刀人盡佩牛
誰謂今來止耕墾
却銷農器作戈矛

登樂遊原

幾年詩酒滯江干
水積雲重思萬端
今日南方惆悵盡
樂遊原上見長安

過石頭城

疊疊墟墓葬西原
六代同歸蔓草根
唯是歲華流盡處
石頭城下水千痕

西江行

日下西塞山南來洞庭客晴空一鳥渡萬里秋江碧惆
悵異鄉人偶言空脉脉

湓川寺路

日欲西澗陰遠駟愁寒元煙苔濕疑地露竹清滴月時
見一僧來脚邊雲勃勃

夜雨

靄靄雲四黑秋林響空堂始從寒瓦中滴入愁人腸愁
腸方九迴寂寂夜未央

秋晚途中作

落日馳車道秋郊思不勝水雲遙斷緒山月半銜稜遠
吠隣村處計想羨他能

酬凌符秀才惠枕

八寸黃楊惠不輕虎頭光照筆文清空心想此緣成夢
拔劍燈前一夜行

蜀葵花

名花八葉嫩黃金色照書牕透竹林無奈美人閑把嗅
直疑檀口印中心

楊花

散亂隨風處二勻庭前幾日雪花新無端惹着潘郎鬢
驚殺綠窓紅粉人

薔薇花

曉風抹盡燕支顰夜雨催成蜀錦機當書開時正明媚
故鄉疑是買臣歸

張承吉文集卷第五

林園詩

張永言詩集卷之六

御定詩林

宮詞二首

故國三千里深宮二十年一聲河滿子雙淚落君前

其二

御定詩林

自倚能歌日先皇掌上憐新聲何處唱腸斷李延年

昭君怨二首

萬里邊城遠千山行路難舉頭唯見月何處是長安

其二

漢庭無大議戎虜幾先和莫羨傾城色昭君愁最多

樹中草

青青樹中草託根非不危草生樹却死榮枯君可知

御定詩林

夕次竟陵

南風吹五兩日暮竟陵城腸斷巴江月夜蟬何處聲

書憤

三十未封侯顛狂遍九州平生鏌鋌劍不報小人讐

信州水亭

南簷架短廊沙路白茫茫盡日不歸處一庭旄子香

夢江南

行吟洞庭句不見洞庭人盡日碧江夢江南紅樹春

題惟真上人影堂

寒葉墜清霜空簾著燼香生前既無事何事更悲傷

七里瀨漁家

七里垂釣叟還傍釣臺居莫恨無名姓嚴陵不賣魚

將離岳州留獻徐負公

高齋長對酒下客亦需魚不爲江南去還來郡北居

題彭澤盧明府新樓

碧落新樓迥清池古樹閑先賢盡爲宰空看縣南山

慈烏

慈烏色似濟孔雀尾如金內外旣相及聖人空理心

題贈鹽官池安禪師

坐見三生事宗傳一衲衣已知無法說心向定中歸

題孟浩然宅

高才何必貴下位不妨賢孟簡雖持節襄陽屬浩然

江南逢故人

河洛多陳事江山半舊遊春風故人夜又醉白蘋洲

松江懷古

碧樹吳洲遠青山震澤深無人縱范蠡煙水暮沉沉

首陽竹

首陽山上路孤竹節長存為問無心草如何庇本根

蘇小歌三首

車輪不可遮馬足不可練長怨十字街使郎心四散

其二

新人千里去故人千里來剪刀橫眼底方覺凌難裁

其三

登山不愁峻涉海不愁深中壁塵前素教郎見赤心

閑居作五首

十年狂是酒一世癖緣詩剩物心長厭閑書性不違補

窠新鷦子爭食乳鴉兒
辛尔隣家竹春來又許移

其二

僻巷新苔遍空庭弱柳垂
井欄防稚子溢水試魚兒
喜客加邊食邀僧長路飢
未能拋世事除此更何爲

其三

小院新栽柳深窓古畫屏
屋埽懸蛸蛸垂網礙蜻蛉
啓軸怜孤進添不盡慮獨醒
殷勤東郭外春麥又苗青

其四

悶看垂簷雨閑尋小院芳
壁泥根長麥籬柱葉生楊
旌碾新茶試生開嫩酒嘗
看看花漸老無復滯春光

其五

俗人無語詔病客少經過
種竹怜莖少移花喜日多
唯

精左氏傳不養右軍鴉幸尔同詩酒春風奈我何

江南雜題三十首

遠對三茅嶺疎開一槿籬人憐貧好學自笑老吟詩
仰腹獼猴睡斜身蜺蜺疑殷勤謝莊叟標社更何疑

其二

退居三畝地聊復謝喧卑盡日題書牒無風下釣絲
曲艇過竹節翡翠抱蘆枝惆悵是臨水星星蓬鬢垂

其三

鳥泥溪雲靜人行野岸稀茅峯三點翠練水一條輝
晚繅花心少陰螢草裏微何妨孟朱舍夜飲醉歌歸

其四

南畝山光對西郊日影斜碧抽書帶草紅節米囊花
夜

蹴嘗寢空室昏眠自酒家何妨人不到私酌是侯芭

其五

野岸煙花好東園自摘籬此姑父宛葉喜子抱遊絲盡
日人稀到終年并不親何當謝貞白真語是吾師

其六

遠郭浸煙波村橋入薜蘿水虵驚去疾山鳥自來多夜
月傾壺酒春風就榜歌不知茅嶺下深處又如何

其七

五里波沁郭扁舟棹到門水經春雨漲山近夕陽溫鷓
鴒穿蘆葉蠅蜩上竹根憂來欲誰話猶賴酒盈罇

其八

村橋路不端數里就迴湍積壤連涇脉高林上第聲早

嘗甘蔗淡生摘琵琶酸好是去塵俗煙花長一欄

其九

曉日明高柳春池合細萍驚巢浦蜩蜋魚網漏蜻蜓泊
沒非兼濟終窮是獨醒悲傷自心語誰復念漂零

其十

三峯前望峻一派上游斜雨過離披草風吹顛倒查櫛
林山鷓起叢岸野棠花好是醉中舞村橋行數家

其十一

碧草分遙岸清池入細流投鋪虛飲馬自物且垂釣小
鳥聞批頰微虫弄印頭何妨一壺酒遠遠棹扁舟

其十二

端居無外事長日卧煙嵐樹影侵籬北花香自水南酒

腸嬰女笑甚路老僧諳似此成乖嬾嵇康士不堪

其十三

一逕遶荒陂渟渟是小池紅蕉心半卷白練尾長垂倒
篋纏書帶尋竿解釣絲聊當事山履遠與白雲期

其十四

久病無行意溪亭益到稀月迴秋扇影螢落夜琴微倉
海尚凝棹木山誰採薇佳期不可俟空羨鷺西歸

其十五

碧溪窮欲盡迴棹喜山家曲岸深迷竹平灘下見沙懸
窠巧婦子拂水剪刀花好是摟心地人問路不遐

其十六

僻居成嬾病春至強耕蠶後港通園竹前溪下檐柑舊

巢飛巧婦新葉長宜男且賴身無事窮愁亦自甘

其十七

小檻雲低處高廊雨過時鹿胎含笋籜猿臂長松枝舊
匣藏鉤軫沉查骨釣絲平生心未遠徒欲效鴟夷

其十八

春醪盡數盃竹逕坐深苔鳥道思歸樂人呼隱去來溪
花流作片雨葉爛成堆訪戴值茲夕何妨乘興迴

其十九

洛下無名客江南不繫舟病身黃葉晚詩思碧雲秋佳
語嘉賓笑蛩鳴嬾婦愁幸因重醞熟聊作醉鄉遊

其二十

余生唯愛酒師長是山翁定葬槽丘下須沈釀瓮中鴉

鵲春作鳥春春夏爲蜚會入醉鄉去爲君成醉風

其二十一

翠竹千竿聳青池一面臨白煙生草末黃粉露花心簇
脚蟠蛸挂拋身翡翠沉但令樽酒滿何必慮無金

其二十二

滄海一遺民詩書盡老身不逢青眼舊爭奈白頭新小
小調茶鼎銖銖定樂斤空疎更誰問賴與酒家隣

其二十三

南國久無宗東郊自養蒙老年孤枕在愁夜一樽空滯
水聞歌女枯枝見宛童秋來因攬鏡強欲理衰蓬

其二十四

積潦池新漲頽垣沁舊高愁蛙橫飽腹鬬雀墮輕毛碧

瘦三稜草紅鮮百葉桃幽棲日無事痛飲讀離騷

其二十五

郊園日牢落無意及蠶食大笑俯塵甌高歌鼓酒盃
池澆韭壟占石坐松根未免猶隨俗長竿掛一禪

其二十六

三年江海客長日犯埃氛失脚遠行地無心空羨雲
非甯武子蔽是卓文君以此圖終計深棲屢廣群

其二十七

卜築寄雲陽穿池面草堂尋常登峻嶺丈六得奇彊井
鮒依頽甃陳花出敗墻目當甘朽拙安敢慕羲皇

其二十八

美人殊不見惆悵望行雲竹翠靜含粉榴花輕曳裙嬋

娟非月色散漫是蘭薰無復荆王夢子規空夜聞

其二十九

佳期楚雲外寂寞是春華昔去軒車遠今來衣帶賒生
風貝母葉活艷兒姑花惆望碧江阻夢魂雲陟遐

其三十

僻巷雖通馬深園不藉籬青蘿薰稻葉紅粉睡蓮枝雨
驚嘶泥近風魚呖釣遲因君尋小庾好是更能詩

寓居臨平山下三首

三月平湖浪欲齊綠楊分映入長堤田家起處烏龍靜
酒客醒時謝豹題溪檻正當蓮葉渚水涇新麥稻苗畦
人間謾說多歧路咫尺神仙洞却迷

其二

一角橫查礙小灘
漁舟稍稍避迴湍
鹿蹄踏葉暮山響
龜殼曝沙春水寒
詩句近吟知律變
易書窮討覺才難
風光好處自携酌
歸去醉扶花藥欄

其三

散髮垂肩久不簪
竹床推枕就藤陰
澗傍春渡水流急
山半夜歸雲色深
拂檻數竿爲去處
隨波一葉是浮沉
世間年少正行樂
應笑老人無事心

張承吉集卷第七

雜題

到廣陵

一年江海恣狂遊，夜宿倡家曉上樓。
嗜酒幾曾群衆小，爲文多是諷諸侯。
逢人說劍三攘臂，對鏡吟詩一掉頭。
今日更來憔悴意，不堪風月滿楊州。

謝高燕公惠生衣

高公寵賜白衣裳，驚訝炎天雪滿箱。
乍展輕煙慙手滑，如披薄霧覺身涼。
誰家織素秋蟾色，何處絳抽嫩異香。
珍重六銖無可贈，空憑七字當瓊漿。

戲贈村婦

二升酸醋瓦瓶盛，請得姑嫜十日程。
赤黑畫眉臨水笑，

草鞋苞脚逐風行黃絲髮亂梳
櫟緊青衫裙高種掠輕
想得到家相見後父孃由喚
小時名

題楊州法雲寺雙檜

謝家雙植本圖榮樹老人亡地
變更朱頂鶴知深蓋偃
白眉僧見小枝生高臨月殿
秋雲影靜入風廊夜雨聲
從此百年爲上壽綠陰終是
借君行

偶登蘇州重玄閣

飛閣層層茂苑間夏涼秋晚好
登攀萬家前後皆臨水
四檻高低盡見山何事越王侵
敵國不妨遼鶴言人衆
五湖直下須歸去自笑身閑迹
未閑

秋夜登潤州慈和寺塔

清夜浮埃出井甍塔輪金照露
華鮮人行中路月生海

鷓鴣語上方星滿天樓影暗連深岸水鍾聲寒徹遠溪煙
僧房閉盡山下去一半夢魂歸世緣

和池州杜員外題九峯樓

秋城高柳啼晚鷓鴣風簾半鈎清露華九峯叢翠宿危檻
一夜孤光懸冷沙出岸遠暉帆斷續入溪寒影鴈差斜
杜陵春日歸應早莫厭青山謝眺家

奉和池州杜員外重陽日齊山登高

秋溪南岸菊霏霏急管繁絃對落暉紅葉樹深山逕斷
碧雲江淨浦帆稀不堪孫盛朝時笑願送王弘醉夜歸
流落正隣芳意在砧聲徒促授寒衣

投蘇州盧中丞

金紫清明美丈夫聖人憂地詔分符猶將儉德同朝客

不着尊官傲世儒經術在心長說體吏材臨事必開模
西來郡界逢鄉老盡說而今是坦途

投滑州盧尚書

雨露恩重棣萼繁一時旌旆列雄藩權經兩使材尤重
位近三台道益尊江海豁開爲氣岸河隍堅畫在心源
門闌盡是雲霄客應念於陵獨灌園

投蘇州盧郎中

三地分符寵更深兩方旌旆日駸駸蛟龍可是池中物
鳳鳥無非閣上音世重才人皆立績客依公子盡推心
猶思謝尚經牛渚曾聽袁宏一夜吟

送劉韜秀才江陵歸寧

出告遊方是素辭喜君迴棹不逾時荆門暮拍連山遠

郢國春歸上水遲
罇酒惜離文舉坐
郡齋誰覆中宣碁
殷勤莫忘趨庭日
學禮三餘已學詩

憶遊天台寄道流

憶昨天台到赤城
幾朝仙籟耳中生
雲龍出水風聲急
海鶴鳴皋日色清
石笋半山移步險
桂花當洞拂衣輕
今來盡是人間夢
劉阮茫茫何處行

奉和池州杜員外南亭惜春

草霧輝輝柳色新
前山差掩黛眉頻
碧溪潮漲暮侵夜
紅樹花深醉度春
幾恨今年時已過
翻悲昨日事成塵
可知屈轉江南郡
還就封州詠白蘋

題河陽新鼓角樓

重樓高跨兩簷開
曉夕風雲會振雷
中國最推鼙鼓地

大臣先選棟樑材馬悲塞北千群牧鴈到城南一半迴
從此聖朝思將帥上衣須脫食須推

觀楚州韋舍人新築河堤兼建兩閘門

宴賓容易小造成雉擊秋原助放情紅袖退行轍上語
白眉迂步馬前迎一冬霜意先黃葉兩路風威動翠旌
須道孔融罇已滿不勞臺下說餘醒

題潤州李尚書北固新樓

躡石攀雲一徑危粉廊朱檻眺江湄青山半在潮來處
碧海先看月滿時樹色轉煙城斗峻水光浮草岸遙卑
西樓又起公羊意坐對寒潮向渺瀰

酬張權宣州新橋秋夜對月見寄

謝亭煙月泛清流千載溪山一造舟風定遠帆依郡郭

夜深寒笛起江樓張憑逆旅逢新唱王粲從軍值勝游
長愛征南杜公意不將餘力礙春秋

題宛陵新橋兼獻裴尚書

富平津路遠陵開武庫森森又姓裴高步已吟携手句
上聞初喜造舟才霜明華表塵初靜月正欄干斗乍回
猶憶醉歌南浦夜五更人過萬聲雷

賦得福州白竹扇子

金泥小扇漫多情未勝南功巧織成藤縷雪光纏柄滑
篾編銀薄露華輕清風坐向羅衫起明月看從玉手生
猶願早時君不棄每憐初作合歡名

所居即事六首

丹陽開居寄鄭
明府如範上人

南下丹陽一水灣陋居瓢飲是希顏來爲野鳥入春郭

去作溪雲歸夜山蓬鬢已衰言必賤竹門雖立意無關
陶潛意遠如相愛朝訪遺民暮却還

其二

溪上小齋

日暮空齋對小溪
遠村歸岸醉如泥
杜鵑花落杜鵑叫
烏臼葉生烏臼啼
野食不妨菰作飯
園蔬何必稻爲藟
辛勤最愛孟光意
除却梁鴻無急妻

其三

牢落東溪滿鬢然
身扶杖二男隨
鳴鳩在甌甓書卷
科斗生時想墨池
日夕愛琴怜犬子
春風詠雪喜胡兒
我家命駕還千里
別與鱸魚爲後期

其四

春日常言

寂寞春風意未降
酒狂詩癖舊無雙
柳花飛處曾逢雪

桃葉開時憶渡江自古不堪居陋巷從今休更犯危邦
聖朝何用詢名姓從放書生老北窓

其五

偶作

南窮海徼北天涯惆悵亡羊是路歧眼下已墮梁武佛
耳中猶聽魏文詩三茅道士朝攜手五柳先生夜對棋
自向廬山爲一社百年生計任櫻兒

其六

晨起常搔兩鬢絲小亭深坐一洿池墻頭鸚鵡喂花葉
水面蜻蜓寄草枝賴得木奴夢子力生憎魚婢苦頑癡
扁舟遠棹尋春處竹檻新醪喜自隨

贈薛鼎臣侍御

君子清明致自強太寮僉語美公方長才上拔孤標日

利劍新磨一匣霜千里早時知逸足片言中夜許剛腸
已知金石終無變應蓄歸休在智囊

偶信

浮生擾擾務華虛未勝東歸重結廬自己忘言師靖節
非閑真隱慕玄居無機坐上休捫虱失脚溪頭便釣魚
唯恨世間夢子事兩莖蓑屨爲人梳

酬荅柳宗言秀才見贈

南下天台狀絕冥五湖波上汎如萍江鷗自戲爲蹤跡
野鹿閑驚是性靈任子偶垂滄海釣戴逵虛認太微星
金門後俊徒相唁且爲人間寄茯苓

送李兵曹歸蜀

錦城春棹沂涇源三峽經過幾夜猿紅樹兩崖開日色

碧巖千仞漲波痕蕭蕭暮雨荆王夢漠漠春煙蜀帝魂
長恐相如留滯處富家還是卓王孫

贈季峯上人

時賢近喪若山崖却賴青雲望素乖強似鴈鷺趨官達
可勝藜藿伴僧齋一壺酒外終無事萬卷書中死便埋
唯是江東道門子許詢長說是吾儕

洛中寓懷

擾擾都門曉四開不關名利也塵埃千名甲第身遙占
萬里旌旗死後來洛水暮天沉莽蒼邱山終日見崔嵬
須知此事堪爲鏡莫遣黃金謾作堆

寄獻蕭相公

東去江山是勝遊鼎湖相望不堪愁謝安近日違朝旨

傳說當時允帝求暫向聊城飛一箭長爲滄海繫扁舟
分明此事無人見白首相看未肯休

送法鏡上人歸上元

南國僧遊二十年却因無任訪生緣風迴建業秋歸寺
月滿秦淮夜到舡故老盡成雙鬢雪舊房深鎖一林煙
莫言了悟爲真理不歎興亡在眼前

愛妾換馬

一面妖桃千里啼嬌姿駿骨價應齊不牽玉勒辭金棧
催整花鈿出繡闥去日豈無沾袂泣歸時還有頰銜嘶
嬋娟躑躑春風裏揮手搖鞭楊柳堤

鷹

毛羽煇爛白野裁馬前擎出不擎猜輕拋一點入雲去

喝殺三聲惊地來綠玉觚啗鷄腦破玄金爪擘兔心開
都緣解搦生靈物所以人人道俊裁

題李戴山居

三畝溪田竹逕通道情交態只漁翁青山夜入孤帆遠
碧水秋澄一檻空自以蛙聲為鼓樂聊將草色當屏風
莫言酷學無知己未必王音不薦雄

題李山人園林

幾年垂釣碧江湄長愛嚴陵是此心萬壑深秋聞伐木
一溪長日看淘金桑生壠上螟蛉挂竹在沙頭翡翠沉
唯道石田堪種黍不將蓑屨羨華簪

張承吉集卷第七

張承吉集卷第八

雜題

投河陽右僕射

黠虜搆擒將軍首出征萬人旗下泣一馬陣前行對
敵梟心死衝圍虎力生雪霜齊擐甲風雨驟楊兵拍點
看鞭勢喧呼認箭聲往胡追過磧貴主奪還京黑夜星
華朗黃昏火號明無非力筆吏獨傳說時英

宋城道中逢王直方八韻

二年離子載發跡自江南馬上行尋度途中語再三始
因窮去魏河北戰方酣後以文投許淮西難未戡謫官
逢李涉狂客見劉奔失意憐初話多端耻舊諳茶風無
奈筆酒禿不勝簪幾鬱眉中恨聊當遂劇談

題重玄寺閣八韻

朱閣鱗虛構環瞻極水鄉青螺簇山色白練展湖光
龜戶浮雲過斜軒早鴈翔萬簷攢肆邳千葉溢津航
疊供儂寒碧飛窓漏夕陽月輪霄轍棟風鐸曙鏗廊
塔聳尖層出河紫小孤長因還九霄上凝步獨成章

投韓貞外六韻

見說韓貞外聲華溢九垓大川舟欲濟荒草路初開
聳地千尋壁森雲百丈村狂波心上湧驟雨筆前來
後學無人譽先賢亦自媒還聞孔融表曾薦祢衡才

哭京兆龐尹

楊子津頭昔共迷一爲京兆隔雲泥故人昨日同時吊
舊馬今朝別處嘶向壁愁眉無復盡扶床稚齒已能啼

也知世路名堪貴誰信莊周物調齊

寓懷寄蘇州劉郎中

一聞周邵佐明時西望都門強策羸天子好文才自薄
諸侯力薦命猶奇賀知章口徒勞說孟浩然身更不疑
唯是勝遊行未徧欲離京國尚遲遲

登杭州龍興寺三門樓

十里江城下渺漫兩層門上倚欄干偏宜竹翠山長潤
早見梅花地少寒沙觜漸平人改路潮痕初靜鳥移灘
高樓酒夜誰家笛一曲涼州夢裏殘

贈李庠郊居

楊子東灣下板橋密籬迤巷半通橈霜鳴郭外深秋月
水到門前半夜潮看着竹林成舊筍別來琪樹長新條

相逢未語平生意莫忘傾鑄慰寂寥

江上旅泊呈池州杜員外

牛渚南來沙岸長
遠吟佳句望池陽
野人未必非毛遂
太守還須是孟嘗
江郡風流今絕世
杜陵才子舊爲郎
不妨酒夜因閑語
別拍東山是醉鄉

題臨平驛亭

津亭一望海西孺
舊說湖開是幾年
風起半山雲出寺
雨餘深岸水平舡
竹林上拔高高笋
荷葉中藏小小蓮
長愛向南岑子地
兩三家近野唐邊

窮居

陋巷長聞君子窮
我生寧免困儒宮
辛勤自灌一畦韭
鹵菹還開三徑蓬
竹下喜逢青眼士
草中甘作白頭翁

佳期日暮不知處把鉤徒吟江上風

題千越亭

扁舟亭下駐煙波十五年遊重此過洲
蒲露沙人渡淺樹稍藏竹鳥啼多
山街落照歌紅蓋水蹙斜紋卷綠羅
腸斷中秋正圓月夜來誰唱異鄉歌

寄王尊師

天台南洞一靈仙骨聳冰稜白瑩然
曾對樗蒲長昧齒去來華表不知年
溪橋晚下玄龜出草路深行白鹿眠
猶憶夜深華蓋上更無人處話丹田

題贈崔權處士

讀盡儒書曠皓然身遊城市意林泉
已因駿馬成三逕猶恨胡麻欠一厘
真玉以來曾不磷直鉤從此更誰憐

遺民莫恨無高躅陶令而今亦甚賢

酬餘姚鄭模明府見贈長句四韻

仙令東來值勝遊人間稀遇一扁舟
萬重山色連江徼十里溪聲到縣樓
吏隱不妨彭澤遠公才多謝武城優
生疎莫笑滄浪叟白首直竿是直鉤

早秋貴溪南亭晚眺

溪流照檻肅埃氛百里秋光草樹分
青壁峻時山背日碧潭空處水銷雲
千尋下徹魚無隱一點高飛鷺出群
回首故鄉人未去亂蟬聲噪不堪聞

壽州裴中丞出柘枝

青娥十五柘枝人玉鳳雙翹翠帽新
羅帶却翻柔紫袖錦靴前踏沒紅茵
深情記處常低眼急柘來時旋折身

愁見曲終如夢覺又迷煙水漢江濱

金吾李將軍柘枝

足疊蠻鼉引柘枝
卷簷虛帽帶交垂
紫羅衫宛蹲身處
紅錦靴柔踏節時微動
羣蛾拋舊態慢遮檀口
唱新詞
客看舞罷輕雲起却赴襄王夢裏期

周貞外出雙舞柘枝妓

畫鼓拖環錦臂攘
小娥雙撿舞衣裳
金絲蹙霧紅衫薄
銀蔓垂花紫帶長
鸞影不迴頭對舉
鳳聲初歇翅齊張
一時折腕招殘拍
斜斂輕身拜玉郎

池州周貞外出柘枝

紅筵高設畫堂開
小妓粧成爲舞催
珠帽著聽歌遍匝
錦靴行踏鼓聲來
纖纖玉笋羅衫撮
戢戢金星鈿帶迴

長恐周瑜一私顧不教閑客望瑤臺

感王將軍柘枝妓歿

寂寞春風舊柘枝舞人休唱曲休吹鴛鴦錦帶拋何處
孔雀羅衫付阿誰畫鼓不聞招節拍錦靴空想挫腰支
今來坐上偏惆悵曾見堂前教徹時

贈柘枝

鴛帶排方鏤綠牙紫羅衫卷合懽花當筵舞汗銷眉雪
入破凝姿動臉霞帽側蹙腰鈴數轉亞身招拍腕頻斜
須臾曲罷歸何處稱道巫山是我家

贈杭州柘枝

梁州唱罷鼓殷雷軟骨纖娥起暫迴紅罨畫衫纏腕出
碧排方鏤背腰來傍取拍拍金鈴擺腳踏聲聲錦鞦催

脚着遍頭雙袖舞粉屏香拍又重偎

觀濠州田中丞出獵

東城曉出靜塵埃紫盡神旗向日開錦袖半褰爭捧轡
銀鞍不下小傳盃馬盤草上朱弓滿鴈落雲中白羽迴
晚向三通殘鼓盡北原千騎卷行來

鍾陵旅泊

城街西面驛堤連十里長江夜看舡漁市月中人靜過
酒家燈下大長眠龍筇迥泊灘聲下略約深行樹影邊
唯是南風還小瘴與他歸去避衰年

湘中行

南去長沙又幾程二妃來死我來行人歸五嶺暮天碧
日下三湘寒水清遠地毒蛇冬不蟄深山古木夜為精

傷心靈跡在何處班竹廟前風雨聲

秋日宿簡寂觀陸先生草堂

紫霄峯下草堂仙千載空梁石磬懸白氣夜生龍在水
碧臺秋斷鶴歸天竹廊影過中庭月松檻聲來半壁泉
明日又爲浮世恨滿山行路夢依然

投滑州盧尚書

海內諸侯最屈名不妨中立自經營文翁莫厭分符久
韓信終須仗鉞行靜以軍威齊虎士別將才力誚儒生
新年幾話南遷客未必無憂是早榮

送鄭藩判官歸冬寧

結束翩翩肯寡情早時強學已三冬鯉庭趨玉通明訓
鄭曲歸時美盛宗摘句竟推梁記室談經全紹漢司農

異聞不暇陳
亢問尔德無非是孝恭

經咸陽城

阿房宮盡客誰來
可惜連雲萬戶開
秦地起為千載業
楚兵焚作一場灰
應知長者名終在
祇是生人意不迴
何事暴成還暴廢
祖龍湏死項湏摧

惠尼童子

慢眉童子語惺惺
實為天主自有靈
可惜綠絲梳黛髻
枉將纖手把銅瓶
低迴婉態傳師教
更學吳音誦梵經
不似俗家諸姊妹
朝朝畫得兩蛾青

將之會稽先寄越中知友

三年此路却迴頭
認得湖山是舊遊
百里鏡中明月夜
萬重屏外碧雲秋
竹林雨過誰家宅
楊葉風生何處樓

先問故人籬落下肯容藤蔓繫扁舟

陪杭州郡使讌西湖亭

小亭移宴近雲端十里山圍馬上看青壁遠光凌鳥峻
碧湖深影鑒人寒詩成病愈生犀角酒引嬌娃活牡丹
歸去不須愁暮雨高唐神女屬仙壇

杭州晚眺

萬仞危峯厭渺漫碧雲梢上倚欄干雲橫海鴈天風夕
月照城鴉水霧寒行客待潮來遠渡居人瞻火去平灘
蕭條醉卧誰家笛一曲梁州夢裏殘

彈琴詩

楚人玉琴怨聲苦客欲聽時盡懷土別鶴朝辭滄海雲
悲風夜入瀟湘雨弄之不難聽者難金徽冷冷流水寒

一曲自然堪下淚三山不忍向君彈

射虎詞

高山路傍射虎兒執弓走箭如星馳一夫中虎人所異
萬夫圍虎人不知崗頭少年羞弓箭從此誓忘休射虎
更使山頭白額來萬金懸賞如泥土

古鏡詞

小兒行把街中劇千年衽斗銅衣碧將金換得試磨看
俄見洞門深一尺夜深時出仰照天二十八宿中相連
青龍耀躍麟眼動神鬼不敢當庭前明朝擎出遊都市
一半狐狸落城死

開聖寺

西去山門五里程粉牌書字甚分明蕭帝壞陵深虎跡

廣師遺院閉松聲長廊盡剝僧形影古壁塵昏客姓名
何必更將空理遣眼前人事已浮生

愛妾換馬

綺閣香銷華厩空忍將行雨換追風休怜柳葉雙眉綠
却愛桃花兩耳紅侍宴永辭春色裏趁朝休立漏聲中
恩勞未盡情先盡暗泣嘶風兩意同

偶題

微風和暖日鮮明草色迷人向渭城越客捲簾閑不語
楚娥攀樹獨含情紅垂菓蒂櫻珠重黃點花鬢粉蝶輕
自是青樓無近信莫將心事問卿卿

經西瀉偶題

搖搖弱柳黃鸝啼芳草無人情自迷日影明滅金色鯉

行花暖蝶青頭鷄微紅杏蒂惹蜂粉潔白苧芽穿鷺泥
借問含顰向何許昔年曾到武陵溪

曉別

翠羽朱冠碧樹鷄未鳴先下短牆啼窻間謝女青蛾歛
門外蕭郎白馬嘶斜漢繁星當燭盡淡煙殘月映花迷
景陽宮裏晨鍾動不語垂鞭上柳堤

上元懷古

倚雲宮闕已平蕪東望連天到海隅文物六朝興廢地
江山萬里帝王都只聞丞相夷三族不見扁舟泛五湖
遙想永嘉南過日洛陽風景盡歸吳

隋堤懷古

隋季窮兵復濬川自爲猛虎可周旋錦帆東去不歸日

汴水西來無盡年本欲山河傳百二誰知鍾鼎已三千
邠堪重問江都事迴望空悲綠樹煙

洛陽春望

世事空悲衰復榮憑高一望更添情紅顏只向愛中盡
芳草先從愁處生佳氣藹空迷鳳闕綠楊抵水撓宮城
遊人駐馬煙花外玉笛不知何處聲

灞上送客

自省論心意不疑五年風水困追隨
憐君有玉曾三獻顧我無才忝一枝
煙隔灞亭人去日雨迷秦樹鴈歸時
邠知此夏罇前別却遣相如歎路歧

喜聞取復河隴

詔書頻降盡論邊將擇英雄相卜賢
河隴已耕曾歿地

大羊誰辯却朝天高懸日月胡沙外遙拜旌旗漢壘前
共感垂衣匡濟力華夷同見太平年

冬日并州道中寄荆門舍

聖明神武尚營邊我是何人不控弦身著貂裘隨十萬
心思白社隔三千雲沉古戍初寒日鴈下平陂欲雪天
却爲恩深歸未得許隨車騎勒燕然

和李子智魯中使院前鑿池種蘆之什

鑿地栽蘆貯碧流臨軒一望似汀洲恣籠好映淮南樹
踈野偏宜海上鷗歷歷迎風歌枕曉蕭蕭和雨捲簾秋
君看范蠡功成後不道煙波無去舟

長安感懷

家寄東吳西入秦三年虛度帝城春流光漸漸到華髮

離恨蕭蕭生白蘋。楚夢覺來愁翠被。越吟聲盡怨芳塵。
更聞玉笛吹明月。一曲風前淚滿巾。

題徐州流溝寺

古寺層層結構勞。土岡前面峻如豪。露雲竹翠石橋冷。
風起松聲山殿高。日色動廊開木槿。夜陰生院結蒲桃。
西龕禪客不相得。一片舊階行幾遭。

公子行

玉堂前後盡簾垂。立却花驄待出時。紅粉美人擎酒勸。
錦衣年少臂鷹隨。輕將玉杖敲花片。旋把金鞭約柳絲。
晴日獨遊三五騎。等閑行傍曲江池。

高閑上人善草書

座上辭安國。禪房戀沃洲。道心黃蘗老。詩思碧雲秋。卷

軸朝廷餞書函內庫取陶欣入社叟生怯論經儔日色
屏初揭風聲筆未休長波浮海岸大點出蒿丘不絕義
之法難窮禪智流殷勤一箴在留看看銀鈎

貧居遣憤

築室枕隋流貧居喜自由未爲齊國晏爭免魯人丘不
畏長堪恥無成久更羞家須男子繼國合丈夫憂苟利
他相與誅當我自求輪迴翻礙直劍折却思柔老虎終
開眼微垂會叩頭但令吾舌在何畏不封侯

題弋陽徐明府水亭

小邑不勞賢心期勝地偏樹微青嶂聳沙淺碧波旋盪
槩投昏岸燒燭指濕煙板簷傍眺寺石路上登舡水檻
推衣浴風軒側枕眠無因長寄此吟和酒中仙

觀泗州李常侍拋打毬

日出樹煙紅開場畫鼓雄
穩騎鞍上月輕撥鐙前風斗
轉俄乘勢傍梢下迸空等來
低背手爭得便分驂遠射
門斜入深排鳥迥通遙知三
殿下長恨出征東

中秋夜杭州看月上裴晉公

萬古太陰精中秋海上生
鬼愁綠僻照人愛爲高明霧
捲千門入潮迴一道平影流
江不盡輪下冷無聲似電
臨津館如霜繞郡城岸沙全
借白石壁半街清小檻循
還看長崗踏練行殷勤未歸
客煙水夜來情

題靈巖寺

北寺三年別西湖十里程
山門橋上轉石路閣中行地
入千重險江分一面平引藤
聞鼠亂窺洞見龍驚嶂月

排簷出屏風倚檻成猿尋青壁過樹遶碧崖生小殿靈
雲影高廊下水聲何當還夢謝盡我一詩情

題天竺寺

臺殿聳高標鍾聲下界遙路分松到寺山斷石爲橋引
水穿廊去呼猿繞檻眺海明初上月江白正來潮夏雨
蓮苞破秋風桂子彫亂雲行沒脚欹樹過低腰嫩綠茶
新焙乾黃竹旋燒唯思閑事了長此卧煙霄

贈王昌涉侍御

十里拍東平軍前首出征諸侯青眼用御史紫衣榮入
陣梟心死衝圍虎力生畫時安楚塞尅日下齊城號令
朝移幕偷蹤夜斫營雲梯曾險上地道慣深行舉旆招
降將投戈赴敗兵自慙居虜者當此立功名

投常州從兄十七中丞十韻

扁舟何所往言入善人邦舊愛鵬搏海今聞虎渡江土
因為政樂儒為說詩降素履冰容靜新詞玉韻掄金魚
聊解帶盡鷁稍移楫促坐邀迷席留賓命倒缸吏材誰
是伍經術世無雙廣厦當宏構共鍾併待撞成龍須讓
那展驥莫先龍應念宗中末秋螢照一牕

讀韓文公集十韻

天縱韓公愈才為出世英言前風自正筆下意先萌塵
土曾無跡波瀾不可名詞高碑益顯疏直事終明片段
隨冰釋絲毫入鏡清文彫玉璽重詩織錦梭輕別得春
王言深公大雅情窮奇開蜀道詭恠哭秦坑驥逸終難
襲鵬蹲力更生誰當死後者別為破規程

題岳州徐負外雲夢新亭十韻

古地標圖籍新亭建梓材水從三峽漲人自九江來
宿涵曹推遠停驂謝喜陪山形連岳去草色盡天迴
晚檻高牆出晴郊古戍開陽精動金礦暗魄孕珠胎
竹換經冬葉松移帶雨栽夜深南浦鴈春老北枝梅
峴嶺功初畢汀洲詠幾裁仙遊祗斯在何用便蓬萊

寄靈隱寺師一上人十韻

八十空門子深山土木骸片衣閑自衲單食老長齋
道性終能遣人情小不乖操拘居上院薜荔俯層階
洗鉢前臨水窺門外掩柴扉吟揮竹拂高揖曳芒鞋
迸筍斜穿塢飛泉下噴崖種花憐玉潤撥石恐沙埋
舊枉師招隱初徵我詠懷聊當因興翫更爲表新牌

張承吉集卷第八

張承吉集卷第九

雜題

吳中懷古十六韻

萬里江連蜀千山水占吳地形分楚塞舟路控閩隅西
北京華遠東南王氣無未爲勾踐入先是子胥殂國破
重泉恨天迷北庶呼黑煙宗廟廢紅艷美人駢舊戰儲
宮盡新加太宰誅誓言江北死羞面角東途假僨屍猶
泊教懸骨未枯墮釵殘玉鷺穿墓得金鳬苑樹深行屐
闔門迴噪烏夜陰生越絕秋色遍姑蘇群邑空遺迹山
川是廢圖六朝人已去三國事應殊欲下金陵泣還爲
建業吁傷心此時意狂乞賴麻襦

和岳州徐貞外雲夢新亭二十韻

澤國連荒徼，津亭揭上游。飛欄控乾馬，却住墜坤牛。滉
泆吞何處，青蒼別幾州。黑天三伏裏，紅日五更頭。樹失
湘潭瘦，山明楚塞漚。乘巡初此去，禹鑿向南休。白氣都
爲曉，清光別是秋。雨行神女過，雲降帝妃遊。接鑑凌星
斗，褰簾就月鉤。草煙凝夜思，花露滴春愁。近渚延沙濕，
中孺小島浮。竹尋諸洞遍，石占一泉幽。日復上山頂，波
連歸客舟。招魂宋餘恨，吊死屈何投。臣子悲遷斥，王孫
念去留。林當藏漢道，兵昔益巴丘。縛將高皇策，燒舡太
祖羞。星霜人自變，江漢事長流。勝景南方絕，功符坎德
優。還因望京意，歌詠爲皇猷。

投陳許崔尚書二十韻

重鎮賦華戎，恩威達聖聰。泰山高不讓，滄海闊難窮。接

物權盈貞安民術在衷早夫雲出水霜野鷄搏風東土
承殊渥南方著顯功瑞呈須是鳳敗獲必非熊令下齊
軍作詩傳入帝宮春行膏雨降夜仰德星聚翰苑推詞
敏台庭得道崇才周儒學外禮厚笑譚中吏理今廉度
文章昔馬融行憑孤竹立諾爲一言終揭檻樓臺聳加
邊海陸豐俯移青玉案高挂綠沉弓太幕賓名珥長裾
客姓馮耻爲狂狷者強厠滑稽雄馬足虛行地鞭頭漫
畫空無能甘畫虎失趣奈雕虫死歎身何處生嗟命不
通聊當問詹尹猶許許明公

酬房子客郊居六韻

三畝田東竹一墟冒家深處自安居每逢山簡能騎馬
長羨王弘不賣魚南國煙帆低晚岸北林霜葉墮寒蔬

郡中舊指賢哉巷門外多來長者車近日稍聞池盡墨
他時誰見壁藏書已知每事能携酒同倚閭門四檻虛

觀潮十韻

泯泯順爲迴汙汙逆是來草微淹澤莽沙漲積雲堆不
止靈威怒當憑恠力推夏天江疊雪晴日海奔雷近落
痕猶淺初平勢漸開舟驚浮浩渺石看打崔嵬鳥下愁
灘没人行畏岸頽鼓風連涵澹值狀更旋迴進退隨蟾
魄虛盈合蚌胎何妨俾巨浸爲尔濟川才

觀山海圖二首

古色辨微茫華夷在一堂雲霞開藻井天地出雕梁細
草生毫末輕風拂黛光夜山猶帶景秋樹不凋霜隱竹
纔分翠穠華欲墮香無風帆自起度日鳥空翔舟勢鯨

吞又樓形蜃吐長更看臺上鏡造化落中央

其二

何人筆思狂一壁盡滄浪日月明丹拱煙雲起盡梁山
嵐開曉色海氣動秋光島踞鰲晴大沙行鱗齒長粉波
明百越黛點簇三湘詎作無圖意空迷造化鄉

題海陵監李端公後亭十韻

古城連廢地規畫自初心眺出紅亭址栽成綠樹林竹
欹叢岸勢池滿到簷陰暗草通溪遠閑花落院深上簾
新鷺入拋葉小魚沉晚影移罇惜殘芳秉燭尋風蘭曳
衣繡露柳拂頭簪屬詠聊題板垂竿旋屈針短橋多凭
看高堞幾登臨漫厠賓階末無因和至音

題江陵崔兵曹林亭

小隱蜀江邊重巒盡一川山形分斷岸水勢盡平田嫩
碧生欄淺輕紅落砌蕙短橋扶竹過歌路把藤緣南巷
纖埃隔東郊遠思延月庭潛潤石風渚自移舡滴露蒲
光冷搖波柳翠鮮關心每來勝幸尔必相然

題宿州城西宋徵君林亭

數畝四郊地經營勝漸偏磴崖畝入竹筒水下澆田黑
壤露河潤紅葩寄樹鮮驛明昏岸火檣插曉林煙嫩笋
撐簷曲新荷帖沼圓不妨成隱顯長日步通阡

題泗州劉中丞郡中新樓

一檻構庭中臨川望益崇朗懷披夏日高嘯得清風紫
府須黃霸青山屬謝公夜聲聞動草春意覺抽叢野迥
雲初白天寒樹間紅月華深委素淮色迫流空暮雨佳

人到良辰樂事同更憐初渡水先詠子來工

奉和湖州蘇貞父題游杯池

舊勝因金刹新遷就水堂何勞數爵筭不止一龜觥亦
座非玆席窮源喜濫觴酒醖開若醞詩妙掇蘋芳廣檻
餘清景連山疊霽光徒思繼高韻益歎謬成章

奉和浙西盧大夫題假山

入門驚秀嶂規畫自奇人遠不離塔砌高寧讓隙壤巖
成須夢說岳就合生申掩映深尤妙疎通久更新聊思
峴嶺日小認會稽春好是怡情處西樓長景真

越州懷古

振楫大江東前林波萬頃高秋海天闊色落湖山影行
尋王謝迹望望登絕嶺荒林草木瘦古樹泉石冷昔游

不可見牢落餘風景窮愁心未死一筆聊復秉

晚下彭澤

斜日照鳥當孤舟下彭澤平分江九派歛度山一壁淺
浦橫黑查高林間白石帆收天益暝鳥沒嵐更碧依依
戍前鼓稍稍村外笛何處不眠人月明西楚客

游仙

赤足一仙翁耳毫垂兩頸摩娑雪毛項騎上崑崙頂顧
我蹤塵蹄去遊遐寂境洞門出昏黑却望如側井行折
青桂枝隔雲敲石屏空巖響深徹臺觀凝碧冷風觸瓊
樹花動搖天水影端衣禮真白心目明耿耿願侶牧羊
兒休休在崖嶺

寓言

江海一遺叟塊然窮巷居門前是川陸反背卧枕袪與
來座援琴忽忽味關雎但願致樽酒豈憂無斗儲野牧
亦乘馬家池還釣魚偶思榮啓期益喜鬢白初日夕粗
充飢呼兒掇園蔬行登逸民舟坐愧長者車倏值體中
佳未嘗廢三餘理生且自昧安忍限衆徂屏迹豈無素
立誠非甚疎杜門草大玄落草賦子虛大賈傾十萬一
名終不書小人苟片善言下輒紀渠不然少年長百萬
看一樗過此任老圃笑歌立倚鋤道門演空言未必死
錄除

題池州杜員外弄水新亭

廣廈光奇輩恢材卓不群夏天平岸水春雨近山雲婉
衍棲堯揭端完柱石分孤帆驚乍駐一葉動初聞晚檻

餘清景涼軒啓碧氛賓筵習主簿詩版鮑參軍露灑新
篁滴風含秀草薰何勞思岷嶺虛望漢江濱

送蜀客

楚國去岷江西南指天末平生不達意萬里舡一發行
行三峽夜十二峯頂月哀猿別冒林忽忽聲斷咽嘉陵
水初漲巖嶺耗積雪不妨高唐雲却籍宋玉說峨眉遠
凝黛脚底谷洞穴錦城晝氤氲錦水春活活成都滯遊
地酒客須醉殺莫戀卓家炉相如已屑屑

戊午年寓興二十韻

大道開王室辛勤自賈生白衣逢聖主青眼賴時英一
路來邊海三年別上京汲因南國盡心向北辰傾咄咄
中途事栖栖此日行登封期未卜平汨恨空盈謫見天

何時勤憂詔未并漢胡當重理魏相昔權兵葛藟機尤
巧鳴鶚義可精舊恩移保傳初論激公卿後學稽前古
先儒制未萌朱雲曾痛憤劉向幾吞聲日月今纔朗煙
塵久未清詎聞高鳥盡終俟小鮮烹坦坦前王道雄雄
近世名帝國殷太甲人鏡魏文貞逸足期千里窮鱗渴
一泓徵賢寧乏詔進善豈無旌狡兔當寒伏荒鷄半夜
鳴殷勤在伊呂爲我致昇平

投陳許李司空二十韻

上將出東征驂騑得路行青雲仰高步白日見精誠朗
抱韜群物沉思活庶氓田文今得士孫武舊能兵曉月
當樓色秋鞞入地聲鬼神愁運思茲猶恐迴情破敵連
取柵屯師立下城龍觀淮甸虎鱣視海湄鯨勇冠臨危

貞勲崇定遠名突圍親斬首開道看擒生陣變虵頭出
槍迴豹尾橫束衣金甲冷揮箭鐵鞭鳴歷戰長諸葛封
侯小富平去淮初五馬遷滑再雙旌道祗蕭何直功惟
范蠡成感恩懷敢炙知味渴和羹曙閣銅牌入昏堂蠟
燭明玉鈎紅袖把銀注紫衣擎接坐羞人識還家畏嫂
輕猶希匹夫膽一向信陵傾

投魏博田司空二十韻

聖代倚龍驤青油鎮北方國除心腹病時詠股肱良
北
協周啟吉言應禹拜昌中台初復位太白定揚光傳癖
深元凱籌謀奧子房率先供帝命時地舉朝綱吏改新
曹局民耕舊戰場節旌窮海島詩句起河梁幕府推賢
佐杯盤任客狂峯巒資秀嶂鷗鷺避軒昂列座花茵展

鳴鼉錦臂攬小旗鞍馬令尖帽拓枝娘掃路麾幢出開
衙斧鉞行旌旗垂玳瑁黃帕結鴛鴦報主親臨敵屯師
首犯疆裂紅偷賊號纏褐眩戎裝夜柵迴千馬昏輦亞
萬鎗按聲鋪陣血垂浚撫刀瘡豹望因文變鯢期假翅
翔空勞千里役何策利梁王

投魏博李相国三十二韻

天意北昇平忠良自間生二年移四鎮一夜破重城白
刃來臨敵青油引出京拍途諳老馬望海晒長鯨國用
鞭頭筭軍機帳下萌王師初戮力賊將首推誠鼎鼐傳
家世藩隅易弟兄風雲將氣合才命與時并咳唾叔齊
土瘡瘦育蔡耻拍撟從上策談笑賴高情發號方迴踵
歸農務散兵紫微纔近侍彤矢又專征曲直須繩準幽

深藉鏡明曉江流汗漫秋華聳崢嶸士勇思陳力兒啼
畏道名文王開卦北武帝下星精遠寄恩弘厚深坎敵
不効儉風敦制度和氣茂逢迎畫障朱軒設蠻刀粉壁
橫木魚連鑰動金獸齒環梅舞席宮綵出賓盤海饌盈
繡蹄紅毬卧花領紫條紫鷓鴣初移府能罷夜烈營濟
河無反顧當陣必前行野迥朱旗卜霜乾翠幕輕角吹
寒日色槍揭暑雷聲竄越身猶賤馮煖膽未呈貴門心
強迹賢路力何爭悶手從拋劒愁腸却賴觥寧依劉表
死不接賈充榮阻轍羞偏轂蟠泥渴一泓應憐望塵眼
歧路拜雙旌

游天台山

崔嵬海西鎮靈跡傳萬古群峯日來朝累累孫氏祖三

茅即拳石二室由塊土傍洞屈神仙中巖澤龍虎名從
乾取象位與坤作輔鸞鶴自相群前人空若瞽巉巖割
秋碧嫺女徒巧補視聽出塵埃處高心漸苦纔登招手
石肘底笑天姥仰看華蓋尖赤日雲上午奔雷城深谷
下見山脚雨回首望四門矗若城一堵昏晨邈千態恐
動非自主空鵠大夢中坐蒼身栩栩東溟子時月却孕
元化母彭蠡不分孟浙江微辨縷石梁屹橫架萬紐青
壁豎却瞰赤城顛勢來如刀弩盤松國清道九里天莫
覩穹崇上攢三峽岨傍聳五空崖絕九跡疑立麋與麀
邈峻極天門觀深窮地戶金庭路非遠步徒將欲迂身
樂道家流敦儒者一矩行尋白雲叟禮象登峻宇佛窟
繚彩嵐仙檀半榛蒼巖巖與飛瀑險噴難足俯海眼三

井通洞門雙闕柱瓊臺下昏側手足前採亂但造不死
鄉前勞何足數

讀西漢書十四韻

日月中華正星辰上國偏經綸今四海討伐舊三邊失
道非無素乘時不偶然安劉機在早誅呂計須權礼樂
勝殘後干戈止殺前未聞晁氏戮初幸賈生緣善馬來
何利窮兵去甚堅國讎因破虜民耗是求仙忍憤中郎
節殘形太史編冲融當魏邴醜衍自昭宣故老心徒切
先皇道益懸元成真漸地哀少卒崩天士廟傾王莽三
公敗董賢興亡豈無誠爲看借秦篇

苦旱

河上勞兵地江南酷旱天
那知討邢日不是尅殷年
忽

忽嗟時難矜矜畏序憊雲徒蔽日月雨合降山川造化
炉思火陰陽炭鼓煙披懷遭赤晝濯足想清漣欲俟于
公決心期戴令度敢忘霑霈澤何幸及私田請禱誠明
矣焚巫策昧然靈山罷齊景美玉罄周宣石璫曾誰舞
泥龍愈自堅魚窮悲涸轍井涸奈枯泉五畝憂還軫三
時望益懸暫欣垂滴瀝終訝阻纏綿貶損心應懇踈通
稅必蠲乘軒嘗拯物飲馬昔投錢火宅逢僧話炎荒想
客遷泥蟠尺蠖久草長蒺藜先病体長兼慮窮愁益自
煎猶希畏途上一詠凱歌旋

苦雨二十韻

積雨江城久騰雲海嶠來暑當初續絺寒亦重然灰暖
昧連中夏調和仰上台地平天沒漸丹利木兼材電影

窸遙入雷聲轍乍迴庭除深溢潦枕簟去浮埃太陸青
蘋泛曾崖白浪逐初跳倒蛙瞋疾長半蒿來壞壞虛爲
穴淙沙迫作堆未如歸結網何憚渴操杯漏屋誠難耳
崩墻不易坏遠愁超滉瀟高羨陟崔嵬俯祝陰靈遍聊
食水物該病非宜長老憂是主櫻孩淺淺斟茶鼎環環
盪酒壘濯枝憐鳥噤流麥分人咍日色疑羞出天心似
惜開巨鱗承水便纖介幸時災折角巾全委低頭柱頰
摧神龍曾未失螻蟻莫相裁

陪楚州韋舍人北閭門遊宴

拓岸齊空遠通波跨檻牢四方人意便兩路馬行高霧
柳蒙疎葉風帆掛並艘碧雲秋水靜紅日暮霞韜荀藉
公心度稀逢敏手操舊恩重雨露新命駭波濤挹海驚

涯淚冲霄訝羽毛絲綸初變舂錦袖旋揮毫美景尤難
卜良辰不易遭名華應獨步語韻洽朋曹異日知司袞
閑時解夢刀卿材尊官達侯業重人豪拽盡怜稀飲扶
鞍哂遽逃香鳬深促坐盡鷁遠迴篙賭氣連呼采縻心
乍漱醪何妨孤憤激肯忘一言褒北闕承優話南方續
廣騷不啻書咄咄誰話酒陶陶末路猶提筆雄藩佇擁
旌只愁迂蹇步歸去又蓬蒿

又陪楚州韋舍人閭門遊讌次韻北閭門

遠派通催急層欄架柱牢中開一閣靜外拔兩簷高峽
崿基崇岸灣環隘近艘勁竿紅旆展長鎧紫囊韜舊好
千金諾新題一筆操開懷侵月露惜別話風濤盡納黃
泥水平分沼沚毛詩能拘咫尺酒妙乏絲毫不止才無

敵非論運合遭官情周上智美論逸諸曹擬義臨戎鉞
從容宰社刀三千藁秀彥百萬舉名豪死士曾無悔生
民肯更逃下簾欣繼燭歸路止排筩綵袖撩青鬚金舡
泛白醪韻慙高手墜文豈拙詞褒賈誼猶興歎楊雄重
返騷不當離急引應獲在甄陶強逐駢駢駟徒瞻子子
庵何堪縱高祖生意任庭蒿

投太原李司空

煙塵繞北京千里動人情位墜中華險功排上將榮四
方分萬石三鎮擁雙旌大郡爲深寄河湟仗素城雄才
身挺拔柱石勢映傾霍氏勲元重胡家正本清殊恩酬
義勇積慶自忠貞海岱兼時出風雲得氣生虎頭膺將
號龍額擅侯名翹藥功歸酒盞梅味到羹瓊膏長日路

黃大少年行號令誅无軌觀風審未萌物情周智用實
礼尺逢迎促座杯心亞開場鎮面平神隈旗幹勤虎占
地衣擗紫綬分排馬青娥乱替觥魚金垂重纓羅袖拂
毬輕暖閣朝呈簡深簾夜按笙栖遑窮蔡澤屏翳病劉
禎試暗秦臺下應迴照膽明

張承吉集卷第九

張承吉文集卷第十

雜詩

獻太原裴相公三十韻

萬古元和史功名將相殊英明逢主斷直道與天符一
鏡辭西闕雙旌鎮北都輪轅歸大匠劒戟盡洪爐物望
朝端洽人情海內輸重輕毫在手斟酌斗迴樞那吉真
丞相陳蕃實丈夫禮賓青眼色憂國白髭鬚幾賴平中
土長愁入五湖旱苗今雨活汝共風驅料敵窮天象
開邊過地圖黃河歸博望青塚破兒奴虎豹皆親射豺
狼例手誅坐籌千不失持鉞四無虛勇義精誠感溫良
表價沽夔龍甘道劣賈馬分材枯曙色開營柳秋聲動
塞榆縱橫追穴兔直下灌城狐舉論當前古推心及後

儒風雲如借便開眼即天衢

途次楊州贈崔荆二十韻

逆旅楊州郭音容幸此遭酒漿曾不罷風月更何逃寺
塔排雲直閭門架水牢煙籠春樹薄日映曙樓高碧草
連除卷青旗指濁醪粉骨斜露玉檀臉慢迴刀跋馬君
心勁嗔奴我氣豪尾生從抱柱顏子也醺糟赤朽看眉
睫生憎惜羽毛北邙終寂寞南國且遊遨聲業行移束
筌篚旋轉條袖因迎顛破目爲請按勞未省求媒氏焉
能泥賊曹揀花偷芍藥和葉窠櫻桃悶口無端語窮頭
盡與搔覆身唯綠葛醫病只青蒿事過宜他哂詩成苟
自褒醉時心爛漫別夜眼號咷接席觀誠忝外堂跡貴
叨殷勤欲離抱爲尔一揮毫

和杜舍人題華清宮三十韻

五十年天子離宮舊粉牆登封特正泰御宇月初長上位先名實中興事憲章舉戎輕甲冑餘地取河隍道帝玄元祖儒封孔子王因緣百司署叢會一人湯渭水波搖潒秦山草半黃馬頭開夜照鷹眼利星芒下箭朱弓滿鳴鞭皓腕攘畋思獲呂望諫祗避周昌兔跡貪前逐梟心不早防幾添鴛鴦勸頻賜荔枝嘗月鑠千門靜天高一笛涼細音搖翠珮輕步宛霓裳禍亂根潛結昇平意遽忘衣冠逃大虜鼙鼓動漁陽外戚心殊迫中途事可量雪埋妃子白門斷鹿兒腸近侍煙塵隔前蹤輦路荒益知迷寵佞唯恨喪忠良北闕尊明主南宮遜上皇禁清除鳳吹池冷映龍光祝壽山猶在流年水共傷杜

鵲魂散蜀蝴蝶夢悲莊雀卵遺雕拱虫絲冒盡梁紫苔
侵壁潤紅樹閉門芳守吏齊爲瓦耕民得翠璫歡康昔
時樂講武舊兵場暮鳥深巖竊幽花墜逕香不堪垂白
髮行折御溝楊

投宛陵裴尚書二十韻

憶拜明公日青雲料果符徵賢披顯詔射策冠英儒物
論推前哲朝綱輯大至德門深茂秀義士闢膏腴簡翰
垂師法文章述帝謨民歡車轍至士畏履聲趨省闕名
尤美藩方政歷殊五兵森武庫百氏秘文樞小謝才難
比諸荀道亦具幾年思樂土長日詠生芻潔儉遵明訓
清通軌令圖馬奔爲信竹鞭舉示刑蒲促座嘉賓滿分
題健筆濡碧江秋鳥聚青嶂暝猿孤月上連城壁星環

合浦珠早涼生玉樹盛暑退冰壺豹變真君子龍鍾淡
丈夫新知多舊彥舊態只在奴敢望憐哀鳥何煩敬朽
株已愁沾西淚還去海西隅

庚子歲寓遊揚州贈崔荆四十韻

窮賤正相仍逢君又廣陵坐愁身兀兀行信脚騰騰小
巷朝歌滿高樓夜吹凝月明街廓路星散市橋燈鈍傑
常羞使羸驂半醉乘醅遭狂客引剛被俗人憎睚眦寧
直貫趙趙苟未能坊期瑞芝宿閣詣慶雲登迥眺江千
里高臨塔九層山嵐開碧罅海日上紅稜曲岸盤回出
飛欄斗峻凭鷺鷥行淺草龜殼上新菱野霽齒崗形兀林
昏地氣蒸春天聊共賞夏日幾同曹自給勞方寸官沽
獸寮外堅強心似石險峭志如陵悶極行桃耳往來起

扼肱腸風終作疥肺病不爲徵玉樹當巡打香毬帶柏
承暗歸迷酒席私語結鉤朋僻性從他諭幽情且自矜
砌開紅艷槿庭架綠陰滕冷滑連心簾輕疎著體繒被
裁新蜀錦光研小吳綾久滯終何益長貧也未應莫輕
垂耳驥須看脫鱗鵬善惡都鈐口存亡只撫膺楚才君
漫倚荆璞我虛馮委順容如妾幽迂論若僧早知身足
累近信卜無徵畫虎誠堪誚雕虫詎可稱掃門蹤魏勃
開閣竚孫弘勿易侵苗鼠須防止棘蠅足憂行夜露心
懼履春冰旅望孤煙起鄉愁遠水澄每思人以玉長願
酒如渑去國程無盡離筵思不勝感恩因病往逐物甚
飢鷹詎憶園蔬灌唯希社肉秤寒鱗閑物在知己大官
薨却弟終須得遽非誓欲憑看二重西去從此又兢兢

遊蔚過昭陵十六韻

天意亡隋日人心啓聖年順時興義卒撥亂起戎旂群
盜猶蜂蟻妖星尚屬聯既教龍戰野湏見血成川蒼筤
無遺策神功亦有權王尋徒百萬光武只三千太宗常
三千破虜夏
十萬於虎牢海靜鯨鯢死雲開日月懸講兵將耀德獵
渭本搜賢向闕皆鏘玉臨關罷控弦大鑪銷劒戟鴻澤
盪腥膻太祖恩堯禪武德末天下既
平高祖致政神孫受禹傳貞觀
既終
高宗宮車悲未已陵樹藹蒼然岳立責具外虬螭白水
邊乾坤資王氣巖壑擁晴煙虞舜曾南狩軒轅亦上仙
斷驪無復見空拜鼎湖前

叙詩

二雅卅詩源滂滂接連猗宣尼昔道漢豁豁無阻疑小

開作涇港大漲爲塘陂可令萬頃澄可使百派支生民
苟灌旣九穀長蕃滋何意束皙徒補亡輒繼之安知去
聖遠立言無乖隳五言起李陵其什傷遠離雄材耻小
用屬詠隅成規後時班婕妤團扇託憂悲枚情旣云妙
蔡韻肯容卑建安陳思王龍變五不知劉楨骨氣真王
粲文質竒阮公先興亡陸氏以才推雅怨止潘子高標
存左思延年得殊致靈運拔英姿沈侯表王蘊謝守文
錦擣江詞騁竒妙鮑趣出孤危飄飄彭澤翁於在務脫
遺陳隋後諸子往往沙可披拾遺昔陳公強立制類萎
英華自沈宋律唱牙相維其間豈無長聲病爲深宜江
寧王昌齡名貴人可垂波瀾到李杜碧海東赫赫曲江
兼在才善奏珠纍纍四面近劉復遠與何相追邇來韋

蘇州氣韻甚怡怡
伶倫管尚在此律
誰能吹

大唐聖功詩

枯聞昔隋末煬帝厄圍兵
太宗初應募杖劍起邊征
揚師列虛旗首激將軍誠
神略在一斷解圍當未萌
高祖守河東權力已兼并
倡狂蟻結徒舉踵乃擊平
隋德日已衰俯折士尊名
群才牙相拔諾以義爲盟
屯軍起邊州李密馳傳迎
楊眉愛娑度失口真王英
由是太河南千里響應聲
降王與拘實親待入宮城
乃命臣蕭瑀府庫掌虛盈
次命臣玄齡圖書收付卿
開牢釋斬在各更重從輕
迴戈略僞主太廟告明明
殊功苟未已徽号爲重旌
文物一以興賢良俱間生
聲詩日盈聽智論益縱橫
何意蕭牆內陰謀中構傾
直詞雖可進王法詎該情

甲子上即位南郊赦憲瀛八蠻興四夷朝貢路交爭三
月右親蚕癸亥上親耕待臣虞南等碑以紀功成

元和直言詩

東野小臣祐聖朝垂浚言微塵豈裨助永負丘山恩箕
子昔爲奴所悲逢世昏明時便鉗舌切恐負乾坤臣當
涉黃河心目日且煩分明在人世不喻波渾渾願以所
支流却尋到崑崙但窮此生感沒齒寧爲冤臣讀帝王
書粗知治亂原文思苟未安詎得實四門陛下欲垂衣
一與變契論成湯事不盡勿更隨波翻直者舉其材曲
者尋其根直固不可遺曲亦不可焚用材苟端審帝道
即義軒陛下復土階四方敢高垣陛下喜雕牆四方必
重藩政獵豈無娛湯泉豈無溫始知堯爲心清淨自成

尊比干不憚死諫道久而存許由不務策志士亦所敦
兢兢小臣祐万死甘詞繁

旅次岳州呈徐負外

襄漢止薄遊登舟捨羸策浮名乃閑事且作山水客遠
持屠龍伎南訪賈誼跡連崗黯雲樹斜日半赤壁青水
去悠悠青山來歷歷囊無一金備不省爲計畫村旗牙
誇酒味薄外卧窄提筆馱班超把詩憐阮籍徐公岳陽
守遇我心的的湖鮮爲我贍湖藻爲我摘得吟多高樓
得語多未席平生負微志不獨詩酒溺終懷咸谷泥定
刻燕然石會公饒迎餞微懇私已識逢時魯連輩一局
如博弈憂來獨來醉兀兀臨大澤屈原誠徧人自死終
何益南湖雪晴夜星月林檎檝君山洞門更相語鶴兩

集風松座翹眎向月吹玉笛笑命詩思苦莫信任李白
於狂是空疎於仙是遐謫寄言徐太守人在無金夜

登香爐峯寄遠人

前登香爐峯却指淦城郡大江北潮海崇岳南作鎮相
逢虎溪子輕策聊一振水石動寒光風松洒高韻憂來
獨成語忽忽千里憤六朝空遺文三國無尺燼孤禽下
雲又遠樹入煙盡客恨耿山重歸心喜流順故人瀟湘
別即此無音信憔悴十年心誰人不細磷

丹陽新居四十韻

不出丹陽郭茅簷寄北偏四隅疎積潦萬頃控平田地
勢金陵豁灣形瑀瀆連路分南畝上山映後湖邊故國
心殊阻新池手強穿閑吟招隱詠靜賦駕終篇大樹應

徒爾高門亦偶然孤雲出小嶼侶鶴下遼天早市歸人
語昏昏醉客眠五更銜月岸一宿渡江舡雪旦飛瓊圃
花時麗錦川茅峯遙自對練水曲相公夜出津頭火晴
昏巷裏煙人情嗤散漫鳥性樂暄妍夏菓垂簪上春農
起面前竹欄隈杳嫋藤杖決潺湲不忝端居勝何妨病
者便水軒斜浸柳風檻散披蓮接壤重園抱坯沙淺洞
延外瞻群嶺拔中坐兩崖顛峻面嶙峋梵崇臺礧礧填
小橋深窈窕新瀑下涓涓架俯薔薇立籬因枳殼編何
當把牙筭祇是躡苔錢勃率松栽短失纖石筍圓綠舍
山桂潤紅綻海棠鮮枕上看羈鞅門前見着鞭闌珊基
未畢撥刺釣初牽塵尾曾無諂猪肝是不緣坐甘塵外
老來幸酒中仙潘岳因成賦楊雄便草玄散襟梳短髮

揭指上遊絃粗可迴車馬聊堪駐旃旃藉莎慙異席折
筍俟加箋哭地心知矣儒家分已焉窮徠半啼嘯病荏
欲飛眠授錄陶貞白留齋竺法乾觀心知不二叩齒問
羅千帝里思徒切家山望益懸閭門不可上西恨涕漣
漣

憶江東舊遊四十韻寄宣武李尚書

憶作江東客倡狂事頗曾海隅思變化雲路折飛騰小
子今何述高賢昔謬稱瘦體休問馬病爪莫論鷹海掉
扁舟泛江開一檻憑岸環青莽蒼峯峭碧峻嶒水國程
無盡煙郊思不勝金絲援嫩柳玉片犯殘冰夜泊聞操
檣朝行看下留沙明春雨霽野白暮雲蒸蒲晚帆山葉
花開鏡水菱亂芳叢沼北餘溜泄溝塍鷺嶺因支訪龍

門詣李登黃鸝春惱客白鶴夜依僧粗得狂歌趣深疑
笑病瘳地窮屯健馬天盡抑飛鵬桂彩分城堞松香在
閣層酒徒窮不破詩債老相仍伯玉年將近宣尼易未
孔歲諸雖自乏社肉必均秤造化三光借乾坤一塊凝
才當論曲直命可繫衰興鳳鳥非無數驂騑靡不乘豹
文須蔚蔚羊日漫矇矇范蠡嘗金鑄吳王昔土崩雄圖
翻自失高躅鮮相承禹廟思陳藻秦山億杖藤幾時心
豁豁長日醉曹曹水室窮深討雲門極峻登北歸天尚
遠東望海方澄鶴跂虛爲羨人言敢不應旅游星正孛
愁望月初絙詎欲由斜徑聊思枕曲肱興捫頭上虱閑
視筆鋒蠅鳥岸勞方寸魚鉞惜一外詩秋情未劇別夜
思偏增白首身從賤青雲氣可凌當知在塵土言直更

競競

戊午年感事書懷二百韻謹寄獻太原裴令公

淮南李相公漢南李僕射宣武李尚書

塞色深河曲江聲接海壩一生勞遠地萬事誠中年失
路爲閑物無官入長錢高蹤非隱遁下界即狂顛漸老
稀時輦歸休著近篇星明知帝座琴妙覺商絃闕下非
才入江南是性牽山猿拾蟲豸野鳥避鷹鷂戲傲東方
朔又輕司馬遷萬言成弃置五字失雕鐫去處尋莊叟
生涯挈道詮新秋唯白髮舊物祇青氍志業寧常墮窮
耕豈素便高佐徇雞口得失付魚筌醉卧捫雲局狂歌
上釣舡古桐收取好壞屋薦來偏祐果蒙方却厭長裾
曳寧絺短褐穿慣窮多自樂不佞少人憐靜祝旄頭矢

閑看馬腹鞭長途思逐日高閣夢凌煙讀易刪王註通
詩斷鄭箋灰心志射鵰火性急韋編昔命公稱許嘗封
國是燕中間得道濟內外益心虔始助周文理俄隨漢
武仙長沙歸賈誼汗馬得張騫戰伐窮蕃域英雄是將
負幾當陳俎豆長謂鑄戈鋌世故身元末時清天寶前
亂離中可愧愚俊日相肩憶昨聆商鞅于今俟魯連陰
陽初未契造化昔何遭竊位崇藝力沽榮瀆貨權滿堂
金已散一革命無全皂白金徒爾蒼黃古亦然不時經
廢宅無地見荒埏絕塞塵猶起窮陰候莫慙楊朱寧謾
泣阮籍不空眠上意今唯允人心遽益峻洪鑪當鈞戟
大匠主陶甄諫勇心弥果星郎議亦先氣腸思藻鏡血
首待花塼地峻清流急天高白日懸軍庭深自誠相閣

肯虛延金馬門徒啓蒲輪詔未宣會逢高岳幸應見看
瀕政始賀官衣段尋聞御食蠲災蝗雖犯稼誓李欲依
躔楚國風殊革夷門政已傳深謀南界郢重德北臨邊
跡戀羊公切心依魏相專苦眉虛更結窮肺勿相煎輸
轉功何倍藩方寄其堅三千擁簪紀十萬各旌旃大器
能斟酌長材少弃捐樂音尤在律星象修開乾子夜汾
河上陽春峴嶺顛鬼園濡健筆花塔醉媛鈿入室風儀
迴登樓月思圓塞旗久獵獵江鼓夜蕭蕭二卧大猷韞毯
鳴騶躍錦韉綠毛鸚鵡細紅實荔支駢酒夕繁含管詩
秋疊彩牋擁鑪香旆熱剪燭艷重然畫鷁交浮淺雕盤
幾飲檀蟹黃鹹蒲筋熊白軟加邊文素臻曹植軍書到
謝玄鵝鵠詞綺靡鸚鵡舞踰蹀未坐扶狼狽重茵睡裸

然夜門歸妓樂部砌拾花鈿揭袖從風虎彈冠仰露蟬
依劉身未殺投趙踵空旋竊語機閑少徐行病舛寧詎
煩詹尹策徒挂養由弦勃窣形骸朽眼迴語氣嬌萬端
饒睚眦一笑泥嬋娟大網寧羅雀深源亦聚鱣偏思公
子館誰問李膺船筆硯今猶置文章昔精研行因竹林
寺出爲柘枝筵物外心仍僻塵中病已痊蕭疎吟草木
浩渺泝波漣南陌逢車馬西陵見墓田傷心從楚塞垂
淚到湘川建業人無也姑蘇事已焉翠華深杳靄情鎖
響潺湲夢去爲蝴蝶魂遊逐杜鵑詩吟陳后主傳范楚
先賢百越隣疆境三吳隘井鄞江分九派水海石一方
天步日松陰缺披嵐石翠鮮朝帆入大浦暝靛逸長阡
曩造西霞律新叅北固禪澗游提破屨樓卧枕空拳

肆行聊問曾基坐與墳朽心降杞梓生意慕蘭筌真道
非無隘空談是信緣侯王如重阻歸看數峯蓮

夢李白

我愛李峨嵋夢尋尋不見忽聞海上騎鶴人云白正陪
王母宴須臾不醉下碧虛搖頭逆浪鞭赤魚迴眸四顧
飛走類若嗔元氣多終諸問余曰張祐爾則在者否朝
來王母宴瑤池茅君道爾還愛酒祐當聽我言我昔開
元中生時值明聖發迹恃文雄一言可否由賀老即知
此老心還公朝廷大稱我我亦自超群嚴陵死後到李
白布衣長揖萬乘君玄宗開懷死其說滿朝呼吸生氣
雲中人高力士脫驕羞欲樂譏言密相構送我千萬里
辛苦夜夜歸知音聊復稀青雲舊李白憔悴爲酒客自

此到人間大頭無肉奧男兒重意氣百萬呵一擲董賢
在前官亦崇梁翼破家金謾積匡山夜醉時吟尔古風
詩振二雅與重顯此人詞賀老不得見百篇徒尔爲
李白歎尔空淚下玉喬聞尔甚相思尔當二万六千日
訪我蓬萊山高聲叫李白爲尔開玄關天明夢覺白亦
去兀兀此身天地間